

Allannguutissatut siunnersuut

uunga

Siunnersuut: Sumiiffinni immikkut toqqakkani takornariartitsisarnernut akuersissuteqartarneq pillugu Inatsisartut inatsisaat

Aappassaaneernejarnissaanut Naalakkersuisunit saqqummiussaq.

§ 1-imut

1. § 1, imm. 2, ima oqaasertalerneqassaaq:

” *Imm. 2.* Inatsisartut inatsisaat illuutitut, sanaartukkanut, aaqqissuussinernut, aqqusinernut, allatigullu attaveqaasersuutitut takornariartitsisarnernut atatillugu atornejartunut aamma atuuppoq.”

§ 2-mut

2. § 2, imm. 6, ima oqaasertalerneqassaaq:

” *Imm. 6.* Inatsisartut inatsisaanni matumani ”najukkami sulisut” tassaapput sulisinnaasut Kalaallit Nunaanni inuit allattorsimaffianni najugaqartutut nalunaarsorneqarsimasut.”

3. § 2, imm. 7, ima oqaasertalerneqassaaq:

” *Imm. 7.* Inatsisartut inatsisaanni matumani ”najukkami pilersuisut” tassaapput pilersuisut Qitiusumik Suliffeqarfinnik Nalunaarsuiffimmi (CVR) Kalaallit Nunaanni angerlarsimaffeqartutut nalunaarsorsimasussaataasut.”

§ 3-mut

4. § 3, imm. 2, ima oqaasertalerneqassaaq:

” *Imm. 2.* Sumiiffimmi takornarissanut neqeroortitsisinaanermut akuersissummik peqarnissamik piumasqaateqarnera, sumiiffimmi allaanernik takornariartitsisoqarsinnaanera mattunneqanngilaq.”

§ 4-mut

5. § 4, imm. 6, ima oqaasertalerneqassaaq:

” *Imm. 6.* Takornarissanut neqeroortitsisinaanermut akuersissutinik nalunaaruteqarsinnaaneq kommunalbestyrelsinut tunniunneqarsinnaanera pillugu Naalakkersuisut aalajangersaasinnaapput.”

§ 9-mut

6. § 9, imm. 1, ima oqaasertalerneqassaaq:

” Takornarissanut neqeroorteqarsinnaanermik akuerissutinik neqeroortitsisoqareerneratigut aammalu nalilersuinermtut ataatsimiititaliamut attuumassuteqartumut tusarniaasoqareernerata kingorna akuersissummik tunniussisoqarsinnaavoq, tak. § 7, imm. 1. Naalakkersuisut neqeroortitsinermtik tamanit takuneqarsinnaasumik Naalakkersuisut nittartagaatigut tusagassiorfitsigullu saqqummersitsissapput, taannalu minnerpaamik ulluinnarnik 45-nik sivilissuseqassaaq. ”

§ 12-imut

7. § 12 ima oqaasertalerneqassaaq:

” **§ 12.** Takornarissanut neqeroortitsisinnaanermut akuersissut inunntut ukununga kisimi tunniunneqarsinnaavoq:

- 1) Kalaallit Nunaanni najugaqartutut nalunaarsorsimasoq, minnerpaamillu ukiuni tallimani kingullerni Kalaallit Nunaanni najugaqartutut nalunaarsorsimasoq,
- 2) Kalaallit Nunaanni tamakkiisumik akileraartussaataasooq,
- 3) Pigisaminut tamakkiisumik atuisinnaasoq aamma akiliisinnaajunnaartutut, akiliisinnaanngitsutut imaluunniit sulianik unitsitsisutut inissisimannngitsumut, aammalu
- 4) Pisorta qarfinnut 100.000-iniit annertunerusumik akilerneqanngitsunik akiitsoqanngitsoq.”

§ 13-imut

8. § 13 ima oqaasertalerneqassaaq:

” **§ 13.** Takornarissanut neqeroortitsisinnaanermut akuersissut inatsisitigut inunntut ukununga kisimi tunniunneqarsinnaavoq:

- 1) Kalaallit Nunaanni ingerlatsivittut aningaasaliiffiusutut imaluunniit suliffeqarfittut nalunaarsorneqarsimasoq,
- 2) akiliisinnaajunnaartutut, akiliisinnaanngitsutut imaluunniit sulianik unitsitsisutut inissisimannngitsumut,
- 3) ingerlatseqatigiiffiup nammineq aningaasaataasa affai sinnerlugit toqqaannartumik toqqaannanngitsumilluunniit aamma taasisinnaatitaasut affai sinnerlugit toqqaannartumik toqqaannanngitsumilluunniit inunntut § 12-imi, nr. 1-4-mi piumasaqaataasunik naammassinnittunit pigineqarpata,
- 4) suliffeqarfimmi peqataasut affai sinnerlugit § 12-imi nr. 1-4-mi allassimasunik naammassinnissimappata, aammalu

5) suliffeqarfik Naalakkersuisunut 100.000 kr.-init annertunerusunik akiitsoqassanngilaq akilerneqanngitsunik.”

Kapitali 7-imut

9. Kapitali 7-imi kapitalip qulequtaa ima oqaasertalerneqassaaq:

”*Najukkami sulisitat, pilersuisullu*”

§ 16-imut

10. § 16 ima oqaasertalerneqassaaq:

” **§ 16.** Takornarissanut neqerooruteqarsinnaanermut akuersissut aallaavigalugu suliaqarnissamut atatillugu najukkami sulisitsisinnaanermut aammalu najukkami nioqutissanik kiffartuussinernilluunniit pilersuisoqarnissamut Naalakkersuisut aalajangersaasinnaapput”

§ 17-imut

11. § 17, imm. 1, ima oqaasertalerneqassaaq:

” Pisinnaatitsissummik piginnittoq ingerlatsinissamut pilersaarummik Naalakkersuisunut qinnuteqarsimatinnani, pilersaarullu Naalakkersuisunit akuerineqarsimatinnagu, ingerlatassanik takornariartitsisarnissamut akuersissummut ilaasunik pisinnaatitsissummik piginnittoq aallartitseqqusaanngilaq.”

12. § 17, imm. 2, nr. 3, ima oqaasertalerneqassaaq:

”3) Takornarissanut neqerooruteqarsinnaanermut akuersissut aallaavigalugu § 2-mi imm. 6-imi allassimasut malillugit najukkami sulisinnaasunik atuinisaaq aammalu § 2-mi imm. 7-mi allassimasut malillugit najukkami nioqutissanik kiffartuussissutinillu pilersuisunik qanoq atuisoqassanersoq nassuiarneqassaaq.”

13. § 17, imm. 2, nr. 7 ima oqaasertalerneqassaaq:

”7) Pisinnaatitsissummik piginnittup akuersissuteqarnerup unitsinneqarnerata kingorna avatangiisinut qanoq aaqeeqqinniarnera nassuiarneqassaaq.”

§ 21-mut

14. § 21, imm. 2 ima oqaasertalerneqassaaq:

” *Imm. 2.* Tunngaviusumik akitsuut ukiumut 2.500 koruuniuvoq. “

§ 24-mut

15. § 24, imm. 2, ima oqaasertalerneqassaaq:

” *Imm. 2.* Nakkutilliineq pillugu Naalakkersuisut aalajangersaasinnaapput, tassunga ilanngullugu Namminersorlutik Oqartussat ataani pisortaqarfik imaluunniit suliffeqarfik sorleq nakkutilliissanersoq imaluunniit nakkutilliinissaq kommunalbestyrelsinut ingerlateqqinneqassanersoq.”

§ 25-mut

16. § 25, imm. 1 ima oqaasertalerneqassaaq:

” Naalakkersuisut pisinnaatitsissummik piginnittumut, allanullu Inatsisartut inatsisaanni matumani pineqartunut peqqusisinnaapput, pissutsit unioqqutitsisut iluarseqqullugit imaluunniit unitseqqullugit.”

§ 26-mut

17. § 26, imm. 3, ima oqaasertalerneqassaaq:

” *Imm. 3.* Pisinnaatitsissummik piginnittup aaqquissuussinissamut peqqussutit § 25 imm. 1-imi allassimasut eqquutsinngikkunigit, Naalakkersuisut pisinnaatitsissummik piginnittup akiligassaanik akisussaaffigisaasaanillu suliniutinik aallartitsisinnaapput.”

§ 27-mut

18. § 27, imm. 1, ima oqaasertalerneqassaaq:

” Kinaluunniit piaaraluni imaluunniit annertuumik mianersugaalliornikkut ima iliortoq akiligassinneqarsinnaavoq:

- 1) § 14, imm. 3-mik, § 17, imm. 1-imi aamma § 15, imm. 1 naapertorlugu piunasaqaataasunik unioqqutitsisoq,
- 2) paasissutissanik oqartussap il.il. pinngitsooratik pisassaannik eqqunngitsunik imaluunniit salloqittaalluni tunniussinermigut § 6, imm. 1-imi unioqqutitsisoq, imaluunniit
- 3) Ingerlatat takornariartitsisarnernut akuersissuteqarfiusut pillugit Naalakkersuisunut nalunaarusiamik nassitsinnginnikkut § 18, imm. 1-imi unioqqutitsisoq.”

19. § 27, imm. 5, ima oqaasertalerneqassaaq:

” *Imm. 5.* § 6, imm. 1-mik, § 18, imm. 1-mik imaluunniit § 3-mi, § 4, imm. 5-imi, § 6, imm. 2-mi, § 15, imm. 3-mi, § 16 aamma § 18, imm. 2-mi allassimasut malillugit aalajangersakkanik unioqqutitsisoqartillugu, Kalaallit Nunaanni pinerluttulerinermi inatsimmi malittarisassat malillugit arsaarinnissuteqartoqarsinnaavoq. Arsaarinnissutaasut nunap karsianut ikineqassapput.”

§ 28-mut

20. § 28 ima oqaasertalerneqassaaq:

” § 28. Inatsisartut inatsisaat 1. januaari 2025 atortuulersinneqassaaq.

Imm. 2. Sumiiffinni nunami aalajangersimasuni takornariatitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersoq atorunnaarsinneqassaaq.

Imm. 3. Takornariatitsisarnernut akuersissutit Inatsisartut inatsisaata atortuulfiani nalunaarutigineqarsimasut atuutiinnassapput. Akuersissutitut taakkununga Sumiiffinni nunami aalajangersimasuni takornariatitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersumi manna tikillugu malittarisassat atuuttut atuupput.

Imm. 4. Inatsisartut inatsisaanni § 21, imm. 4 aamma § 22, imm. 2 naapertorlugit akigititanik naleqqussaansamut procentimik naleqqussaannissaq, siullermeertumik 1. januar 2026-mi pissaaq.”

Allannguutissatut siunnersuummut nassuiaatit

Nassuiaatit nalinginnaasut

Sumiiffinni immikkut toqqakkani takornariatitsisarnernut akuersissuteqartarneq pillugu Inatsisartut inatsisissaattut siunnersuut, UKA 2024-mi siullermeertumik oqaluuserineqarpoq.

Inatsisartut Allattoqarfiata inatsisinut periutsit atorlugit misissuereerneratigut iluarsissutissat arlallit allannguutissatut siunnersuutikkut siunnersuutigineqarput. Taassumap saniatigut inatsisissatut siunnersuummi oqaatsitigut iluarsissutissat siunnersuutigineqarput.

Allannguutissatut siunnersuut aningaasatigut kingunissaqanngilaq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut (siunnersuummi § 1, imm. 2)

Inatsisinut periutsit atorlugit allannguutissatut siunnersuummi oqaatsinik iluarsissuteqartoqarpoq. Oqaatsit ”neqerooruteqarnermi aamma tuniniaanermi” peerneqarput. Siunnersuummi taaguusersuinerup nukittorsarneqarnissaa siunertaavoq.

Nr. 2-mut (siunnersuummi § 2, imm. 6)

Siunnersuutigineqarpoq, siunnersuutip § 2-ani imm. 6-imi ”kalaallit”, ”najukkami”-mut allanngortinneqassasoq. Allanguutissatut siunnersuut, imarisaanut allannguisitsinngilaq.

Nr. 3-mut (siunnersuummi § 2, imm. 7)

Siunnersuutigineqarpoq, siunnersuutip § 2-ani imm. 7-imi ”kalaallit”, ”najukkami”-mut allanngortinneqassasoq. Allanguutissatut siunnersuut, imarisaanut allannguisitsinngilaq.

Nr. 4-mut (siunnersuummi § 3, imm. 2)

Inatsisinut periutsit atorlugit oqaatsinik iluarsiiisuteqartoqarpoq. Oqaaseq ”neqerooruteqartoqarsinnaanera”, ”takornariartitsisoqarsinnaanera”-mik taarserneqarpoq. Siunnersuummi taaguusersuinerup nukittorsarneqarnissaa siunertaavoq.

Nr. 5-imut (siunnersuummi § 4, imm. 6)

Inatsisinut periutsit atorlugit allanguutissatut siunnersuummi oqaatsinik iluarsiiisuteqartoqarpoq. Oqaaseq ”kommuninut”, ”kommunalbestyrelsinut”-mik taarserneqarpoq.

Nr. 6-imut (siunnersuummi § 9, imm. 1)

Qallunaatuata, kalaallisuatalu assigiinnissaat qulakkeerumallugu iluarsiiisutaavoq. Kalaallisoortani ”Imm. 1” amigaataavoq.

Nr. 7-imut (siunnersuummi § 12)

Inatsisinut periutsit atorlugit iluarsiiisuteqartoqarpoq.

Nr. 8-mut (siunnersuummi § 13)

Qallunaatuata, kalaallisuatalu assigiinnissaat qulakkeerumallugu iluarsiiisutaavoq. Kalaallisuuani § 13, nr. 3-mi ”nr. 1-4” amigaataavoq.

Taassumap saniatigut inatsisinut periutsit atorlugit iluarsiiisuteqartoqarpoq.

Nr. 9-mut (kapitali 7-imut qulequtaq)

Siunnersuutip kapitali 7-ianut qulequttami ”kalaallit”, ”najukkami”-mut allanngortinneqassasoq siunnersuutigineqarpoq. Taassumap saniatigut oqaatsitigut annikitsumik iluarsiiisuteqartoqarpoq. Allanguutissatut siunnersuut, imarisaanut allannguisitsinngilaq.

Nr. 10-mut (siunnersuummi § 16)

Siunnersuutip § 16-iani ”kalaallinik”, ”najukkami”-mut allanngortinneqassasoq siunnersuutigineqarpoq. Allanguutissatut siunnersuut, imarisaanut allannguisitsinngilaq.

Nr. 11-mut (siunnersuummi § 17, imm. 1)

Inatsisinut periutsit atorlugit allannguutissatut siunnersuummi oqaatsinik iluarsissuteqartoqarpoq. Oqaasertai allanngortinneqarput. Oqaasertaanik allannguneq imarisaanut allannguisitsinngilaq.

Nr. 12-imut (siunnersuummi § 17, imm. 2, nr. 3)

Siunnersuutip § 17-iani imm. 2-mi nr. 3-mi "kalaallini", "najukkami"-mut allanngortinneqassasoq siunnersuutigineqarpoq. Taassumap saniatigut oqaatsitigut annikitsumik iluarsissuteqartoqarpoq. Allannguutissatut siunnersuut, imarisaanut allannguisitsinngilaq.

Nr. 13-imut (siunnersuummi § 17, imm. 2, nr. 7)

Oqaatsitigut annikitsumik iluarsissuteqartoqarpoq.

Nr. 14-imut (siunnersuummi § 21, imm. 2)

Qallunaatuata, kalaallisuuatalu assigiinnissaat qulakkeerumallugu iluarsissutaavoq. "2.500" kalaallisoortani kukkusumik allanneqarsimavoq.

Nr. 15-imut (siunnersuummi § 24, imm. 2)

Nakkutilliinissaq kimut suliassiisutiginersinnaanera eqqarsaatigalugu, allannguutissatut siunnersuuteqarnermi inatsisinut periutsit atorlugit oqaatsitigut iluarsissutaavoq.

Nr. 16-imut (siunnersuummi § 25, imm. 1)

Oqaatsitigut annikitsumik iluarsissuteqartoqarpoq.

Nr. 17-imut (siunnersuummi § 26, imm. 3)

Inatsisinut periutsit atorlugit annikitsumik iluarsissutaavoq. Innersuussut § 26, imm. 1-imut iluarsineqarpoq.

Nr. 18-imut (siunnersuummi § 27, imm. 1)

Inatsisinut periutsit atorlugit iluarsissutaavoq. Unioqqutitsineq akiligassiinermik kinguneqarsinnaalluni aalajangersagaq iluarsissuteqarfigineqarpoq.

Nr. 19-imut (siunnersuummi § 27, imm. 5)

Inatsisinut periutsit atorlugit annikitsumik iluarsissutaavoq. § 4, imm. 1-imut innersuussut peerpoq.

Nr. 20-mut (siunnersuummi § 28)

Qallunaatuata, kalaallisuuatalu assigiinnissaat qulakkeerumallugu iluarsissutaavoq. Kalaallisoortani imm. 2-4 kukkuneqarput.